

## *Чужанинӧй – Шӧрьягӧй!*

Менӧ шуӧны Настаӧн. Ме ола Шӧрьяг посёлокын. Водзынсӧ Шӧрьягыс мӧднога гижсьылӧма – Шӧрьяг – роч нога. Шӧрьяг нимыс важсяджык, татшӧм нимсӧ пуктӧмаӧсь сы вӧсна, мый посёлокным сулалӧ яг шӧрын, зэв мича инын. Ме кӧсья юксьыштны тӧянкӧд аслам мӧвпьясӧн, мыйӧн меным воӧ сьӧлӧм вылӧ менам муса Шӧрьягӧй. Гашкӧ и тӧянлы окота лоас волыны миянӧ да асланныд синъясӧн аддзывлыны ставсӧ, мый йылысь ме кӧсья висътавны.

Кыдзи ме висътавлы нин, Шӧрьягӧй меным зэв дона. Танӧи ме чужи да быдми, дзоядырсянь нин танӧи ола. Танӧи ставыс меным тӧдса да муса. Но медьёна меным воӧ сьӧлӧм вылӧ миян вӧрным. Майбыр, ылӧ мунны оз ков! Ставыс матын, сӧмын муртса петышт керкасьыд. Миян вӧрын быд во быдмӧ уна – уна вотӧс да тшак. А пуясыс кутшӧм мичаӧсь! Быд кадколастӧ вӧрыс аслыспӧлӧс мича: кӧть арнас, кӧть тӧвнас, кӧть тулыснас, кӧть гожӧмнас.

Заводитам арсянь. Арнад петан ывлаӧ и быттьӧ веськалан мойдӧ. Ставыс гӧгӧрбок мича, уна – уна рӧма. Пуясыс сулалӧны кодкӧ гӧрд, кодкӧ виж, кодкӧ пемыдгӧрд, а кодкӧ век на турунвиж. И быдӧн на пиысь аслыспӧлӧс мича. Ме верма вель дыр сулавны да нимкодясьны татшӧм мичнас. Ме ёна радейта арсӧ, ӧд мыйӧн пыдӧджык пыран вӧрас, сӧйӧн быттьӧ мичаджык и мичаджык пуяс син улад уськӧдчӧны. Ме аслам пӧдругакӧд арбыд ветлӧдла вӧрӧ, медым кузь тӧвбыд кежлӧ кольны сьӧлӧмам тайӧ кыпыдлунсӧ да мичлунсӧ.

Но и тӧвнас миян вӧрыд вермӧ кыпӧдны сьӧлӧмкылӧмтӧ. Кор вӧр – ваыс кынмалас, пуяс вылас артмӧ еджыд пуж. Шондӧи водзын сӧйӧ югьялӧ, синтӧ быттьӧ пӧртӧ. А пуясыс юрнысӧ кыпӧдӧмӧн быттьӧ шуӧны: «Со ӧд кутшӧм мичаӧн ми вермам на лоны!» И збыль, видзӧдан пуяс костӧд шондӧи вылӧ, и кутас кажитчыны, быттьӧ кодкӧ нарӧшнӧ тадзисӧ мичмӧдӧма найӧс. А сьӧлӧм вылад лоӧ шоныд да долыд.

Төв бөрся локтө гажа тулыс. Тулыснад ставыс ловзьö, садьмö да мичаммö. Вөр – ваыс кыпидмö, садьмö. Пуяс вылын польчöны гарьясыс, а сесся мыччысьöны ичöтик корьяс. Гөгөр кылö лэбачьяслөн кыпыда дзользьöмыс, и сьöлөмыд тшöтш заводитö сывны.

А со и гожöм воис. Гожöм – тайö миянлы медся кыпид да дыр виччысяна кад. Пуксьöны жар луньяс, гөгөрбок ставыс веж, дзоридзяс нюжөдчöны мелі шонділань. Посёлокным ловзьö: пöль – пöч ордас локтöны внук – внучкаясыс. Быдлаын кылö челядьялөн кыпид гөлөсьясыс. Лунтырьясөн позьö купайтчыны, чери кыйны да вөрö ветлөдлыны. А тшакыс да тусыс мыйта вöрас! А сынöдыс кутшöм чöскыд! Көть лунтыр сэнi ов.

И позьö öмöй татшöм мича вөр – ва дорсьыс кытчöкө бокö мунны? Ме чайта да, оз. Кор ме вöлі велөдча ичöt классьясын на, менö мөдөдлісны саридз дорö лагерö. Сэнi вöлі зэв мича, но мөд луннас нин меным сэнi лоис гажтөм. Шөрьягöй менö кыскіс ас дорас бөр, тані öд менам ставыс ас. Ме весиг бөрдi. Дум вылө усисны ёртьясöй, бать – мамöй, дона вөр – ваöй... А кор бөр локтi гортö, менам сьöлөмöй вöлі дась чеччыштны морöс пытшкысь радысла. Ме вöлі чеччала, радла, да пыр жö котөртлі вөрö, медым выльысь аддзысьлыны аслам радейтана иньяскөд. И ме гөгөрвои, мый меным некутшöм мөд иньяс оз ковны, öд чужан мусьыд донаджыкыс нинөм абу. А ме вывтi ёна радейта ассьым Шөрьяг посёлокöс.